

De Differentiis quoad limites Regni cum vicinis Provinciis determinandis et Metis rectificandis, Commissarii Regni denominantur.

Articulus 31.

In sequelam Articuli 26. An. 1802. renovata hic loci ejusdem Dispositione, Sua Majestate Sacratissima benigne annuente, Status et Ordines decernunt:

Versus Styriam et Carnioliam.

Ex Parte Regnorum Croatiae, Sclavoniae etc. cointelligenter cum Commissione versus Styriam ex respectu Differentiarum Comitatus Szaladiensis: Maximilianus Verhovacz, Episcopus Zagrabiensis, S. C. R. A. M. Actualis Intimus Status Consiliarius; Comes Adamus Orsich, S. C. R. A. M. Camerarius; Franciscus Ponekovich, Tabulae Banalis Assessor; Item Zagrabiensis et Varasdinensis Comitatum Vice-Comites.

FRANCISCI I. IMPRATORIS AUSTRIAE & REGIS HUNGARIAE DECRETUM
SEXTUM, ANNI 1808.

Relate ad Regnorum Dalmatiae, Croatiae et Sclavoniae Insurrectionem Articulus 59. An. 1741. renovatur.

Articulus 5.

Accedente Suae Majestatis Sacratissimae Benigno Annutu, respectu Regnorum Dalmatiae, Croatiae et Sclavoniae Provisio Articuli 59. An. 1741. in suo vigore ea ratione relinquitur, ut Insurrectio praefatorum Regnorum relate quoque ad constituendam Exercitationis Modalitatem, in Generali eorundem Congregatione coordinetur, taliterque coordinata, Legis Casu intra Triennium eveniente, hosti opponatur, semper tamen in conformitate Articuli 66. An. 1681. ab immediatis Domini Comitum Bani Ordinibus dependeat.

FRANCISCI I. IMPER. AUSTR. & REG. HUNG. DECRETUM VII. ANNI 1812.

ARTICULI COMITIORUM.

De Oblationibus pro Ludovicea militari Academia continuative factis.

Articulus 2.

Inde ab Anno 1808. quo Institutum Academiae militaris Ludoviceae per Articulum 7. An. 1808. stabilitum est, liberis Oblationibus per complures patriae